


VAHA'I TONGA

WAANJOŃAK ILO TONGA


Jān Nancy Harward im Lucy Stevenson Ewell
(Pedped ioon juon bwebwenato emool)



Tonga ej ejaak in enañin 170 āne ko ilo Lomao in Pacific.



Rainin, jiljin in 10 armej in Tonga rej membōr in Kabuñ in.



Tonga kar jeļā kake āinwōt "Āne ko Rejouj."

Vaha'i ekar bukwelōlō turin jikin kiki eo an im ba jar ko an. Ekar boñōn eo an jino in tata ilo jikuul eo, im ekar jere juon ruum ippān elōñ bar jet ļaddik. Ejjeļok iaer raar membōr in Kabuñ eo an Jisōs Kraist im Armej ro Rekwojarjar ilo Raan Ko Āliktata, āinwōt kar e.

"Jemedwōj Ilañ Jitōnbōro..." Vaha'i ekar jino jar eo an ilo būruwōn. Ak ekar jab pidodo. ļaddik ro jet raar ekōnono im koļap aer ettōñ.

"A, lale!" juon iaan ro ro rej jokwe ilo ruum an, Akau, ekar ekkeļok. "Ej jar!"

Vaha'i ekar jab emmān an eņjake. Ekar jeļā Akau ekar kōmman kōjak kake e. Bōtaab ekar etan ke ejjab roņjake e. Eļakkar jar wōt.

Ke Vaha'i ilo jino ekar ekkatak kōn gospel eo, ro jibūn im jimman ekar ļap aer bar dike Kabuñ in. Vaha'i ekar etal nān Būraimere ippān ļeo wulipen ak ro mōttan.

Ke ekar tōpar 12 ekar jokāalet nān peptaij. Ro jibūn im jimma raar jab kanoj mōñōñō ilo jino in. Innām būbū ekar ba, "Jān kiiō maanļok, kwoj juon membōr in mōñ jar jab eņ. Kōm kōņaan bwe kwon pād wōt ilo tiljek."

Kiiō ke Vaha'i ekar pād ettoļok ilo jikuul, ekar jōk ippān nān kōmman āindein. Kōn menin ekar jar wōt. Jekdoņ nē ro ļaddik ro jet raar kōmman kōjak kōn e.

Juon boñ ke Vaha'i ekar bukwelōlō, ekar roñ juon men eoktak.

"A, jab keroro! Vaha'i ej jar," juon ekar ba.

Vaha'i ekar kadedeļok jar eo an im kar kōpeļļok mejān.

Akau ekar jijet ioon jikin kiki eo an. "Ej lukkuun aorōk nān kwe, ej ke?"

Vaha'i ekar emajidjid. "Aaet, ej."

Ālkin men eo, ļaddik ro raar ikōñ jabdewōt iien Vaha'i ekar jar. Ejjab to Akau ekar jino bukwelōlō ippān. ļaddik ro jet raar kobaļok barāinwōt. Āliktata, aolepān ļaddik ro ilo ruum eo raar bukwelōlō nān jar ippān Vaha'i kajjojo boñ.



Vaha'i im lio pāleen, Sela, raar ripālele ro mōktata nān kar liāp ilo Hamilton New Zealand Tampeļ eo.



Ekar jermal āinwōt būreejtōñ eo an Nuku'alofa Tonga Tampeļ eo.



Ekar juon rūkaki ilo Liahona College eo, juon high school ilo Tonga an Kabuñ in.



◆ Lale Irok, ļoor Eō nān Katak im Bujen Ko 81-83.

Vaha'i ekar eņjake mōñōñō. Ejjañin kar kōmman jar an baamle ilo mweo imōn. Bōtaab kiiō emaroñ kōmman jar an baamle ippān riji-kuul ro mōttan!

Juon raan Vaha'i ekar wōr juon an ļōmņak. Juon kweilok eļap an Kabuñ in ej pojān kōmman. Emaroņkar kaurwaineneik ro mōttan!

Ālkin jar, Vaha'i ekar juon ro aolep kōn kweilok eo. "Ekar nā etan kweilok eo eļap an district," ekar ba. "Armej ro rej itok nān ekkatak kōn Jisōs. Kom maroñ aolep itok, eļañne komjij kōņaan!"

Kōn aer naaj kar ilok jān jikuul eo nān etal nān kweilok eo, kajjojo ļaddik ro raar aikuļ jaini juon peba nān bōk mālim. Vaha'i ekar ļokjen an ke ekar lo peba eo. Ekar wōr 77 āt ko ilo laajrak eo!

Būruwōn Vaha'i ekar okmāañeņ ke ekar jijet ippān rijikuul ro mōttan ilo jea ko im kar roņjake ekōnono ko ilo kweilok eo eļap. Akau im jet iaan ro jet kar eņjake okmāañeņ itulowa barāinwōt. Ilo jemļok in kweilok eo eļap, jiljilimjuon iaer raar kōņaan peptaij.

Boñōn eo ālkin jar eo ippān ro mōttan, Vaha'i ekar kōmmane juon jar an make. "Kommoool kōn kōje-raamman eō kōn ro mōtta remman," ekar jiroñ Jemedwōj Ilañ., "Im kōn jipañ eō erom juon waanjoņak emman." ●

Rijeje eo ej jokwe ilo Waikato, New Zealand, im Utah, USA.